

KERATAN AKHBAR-AKHBAR TEMPATAN
TARIKH: 7 MEI 2016 (SABTU)

Bil	Tajuk	Akhbar
1.	Pengundi dinasihat keluar mengundi pada sebelah pagi - Madius	BERNAMA
2.	ExxonMobil sumbang RM450,000 untuk promosi inisiatif STEM	BERNAMA
3.	MOSTI biyai 77 projek MSI berjumlah RM25 Juta	BERNAMA
4.	PRN Sarawak: Proses pengundian bermula 8 pagi	BERNAMA
5.	1,754 pusat mengundi disediakan di seluruh Sarawak esok	BERNAMA
6.	Cuaca mungkin lewatkan keputusan penuh PRN Sarawak esok	BERNAMA
7.	CyberSecurity Malaysia bantu Angkasa elak jadi mangsa jenayah siber	BERNAMA
8.	Fraud tops cybercrimes list	The Star
9.	RM90,000 for cancer research	The Star



Pengundi Dinasihati Keluar Mengundi Pada Sebelah Pagi - Madius

KUALA LUMPUR, 6 Mei (Bernama) -- Pengundi bagi Pilihan Raya Negeri Sarawak ke-11 (PRN-11) dinasihati keluar mengundi pada sebelah pagi kerana hujan beserta ribut petir dijangka melanda negeri itu pada sebelah petang esok.

Menteri Sains, Teknologi dan Inovasi Datuk Seri Madius Tangau berkata ramalan keadaan cuaca itu diperoleh berdasarkan tinjauan cuaca bagi tempoh tujuh hari bermula esok hingga 13 Mei ini.

Katanya ribut petir serta hujan dijangka berlaku di satu dua tempat di kawasan pantai Sarawak manakala pada sebelah petang pula keadaan sama turut dijangka berlaku di satu dua tempat di kebanyakan bahagian.

"Pada sebelah malam pula, hujan dijangka berlaku di satu dua tempat di bahagian tengah serta pedalaman Sarawak," katanya dalam kenyataan di sini, hari ini.

PRN-11 akan diadakan esok menyaksikan perebutan 82 kerusi Dewan Undangan Negeri (DUN), termasuk tambahan 11 kerusi baharu.

Madius berkata bagi mengetahui keadaan cuaca sebenar, aplikasi Rain Alarm iaitu sistem dari Jerman yang menggunakan data Jabatan Meteorologi (MetMalaysia) boleh diakses menerusi laman sesawang <http://www.rain-alarm.com/>.

Beliau turut menasihati pengusaha perkhidmatan helikopter untuk mendapatkan maklumat cuaca penerbangan daripada MetMalaysia bagi membuat perancangan penerbangan.

-- BERNAMA



ExxonMobil Sumbang RM450,000 Untuk Promosi Inisiatif STEM

KUALA LUMPUR, 7 Mei (Bernama) -- Anak syarikat ExxonMobil di Malaysia telah menyumbang sebanyak RM450,000 kepada Akademi Sains Malaysia (ASM) dan Pusat PERMATApintar Negara bagi meningkatkan bakat dalam bidang sains, teknologi, kejuruteraan dan matematik (STEM).

Daripada jumlah tersebut, sebanyak RM300,000 telah diberikan sebagai tajaan untuk Cabaran Sains Negara ASM yang dibuat secara tahunan sementara bakinya akan digunakan oleh PERMATApintar untuk memilih dan melatih kontinjen Malaysia ke acara Olimpiad Matematik Antarabangsa.

Pengerusinya See Kok Yew berkata, kumpulan itu menggalakkan golongan muda untuk mempertimbangkan kerjaya dalam bidang STEM, sejajar dengan aspirasi negara untuk menjadi sebuah negara berpendapatan tinggi melalui pacuan sains dan teknologi.

"Meningkatkan kemahiran matematik dan sains di kalangan warga muda adalah penting bagi memastikan bekalan tenaga kerja mahir serta daya saing negara di pasaran global," katanya pada majlis tajaan itu di sini, hari ini.

Turut hadir ialah Timbalan Menteri Sains, Teknologi dan Inovasi Datuk Dr Abu Bakar Mohamad Diah.

-- BERNAMA



MOSTI Biayai 77 Projek MSI Berjumlah RM25 Juta

MELAKA, 7 Mei (Bernama) -- Kementerian Sains, Teknologi dan Inovasi (MOSTI) membiayai 77 projek di bawah program 'Inovasi Sosial MOSTI' (MSI) melibatkan peruntukan berjumlah RM25 juta sejak program itu dilancarkan pada 16 April tahun lepas.

Timbalan Menteri Datuk Dr Abu Bakar Mohamad Diah berkata peruntukan melibatkan fasa pertama projek itu bertujuan membantu kumpulan sasaran menikmati faedah langsung daripada aplikasi teknologi dalam bentuk produk atau perkhidmatan.

"Sebenarnya kami memperuntukkan RM30 juta bagi melaksanakan pelbagai projek di bawah program ini bagi fasa pertama, dan sehingga kini RM25 juta dibelanjakan. Baki daripada peruntukan ini akan digunakan untuk pelaksanaan fasa kedua dijangka Jun depan.

"Kami lihat program MSI ini merupakan satu cabang program inovasi yang boleh membawa kesan positif secara langsung dan boleh dirasai oleh semua golongan masyarakat," katanya kepada pemberita selepas merasmikan majlis penyerahan sangkar sembelihan mudah alih kepada Masjid Tangga Batu Pekan di sini hari Sabtu.

Beliau berkata pelaksanaan program berkenaan selaras dengan inisiatif 'buy back policy' yang telah dilaksanakan MOSTI untuk menggalakkan masyarakat menggunakan produk atau perkhidmatan yang telah diinovasikan.

Bagaimanapun katanya melalui program ini pencipta atau pereka sesuatu produk atau perkhidmatan inovasi, perlu bekerjasama dengan satu daripada 23 agensi di bawah MOSTI.

Mengulas lanjut, Abu Bakar berkata pihak atau individu yang berminat untuk memohon dana di bawah program tersebut boleh memohonnya melalui laman sesawang MOSTI dan penilaian bagi fasa kedua akan dilakukan pada Jun depan.

Beliau berkata peruntukan maksimum yang disediakan bagi sesebuah projek atau perkhidmatan adalah RM500,000 namun ia bergantung kepada kelayakan atau jenis produk dan perkhidmatan yang ingin dihasilkan.

"Kami berharap untuk program ini dapat membantu negara mencapai sasaran menjadikan negara berpendapatan tinggi dan semua produk atau perkhidmatan berkenaan dapat dikomersialkan.

"Sekarang ini proses pengkomersialan negara agak rendah iaitu hanya pada tahap lapan peratus dan kami harap ia akan meningkat kepada 15 peratus pada tahun 2020," katanya.

-- BERNAMA



PRN Sarawak: Proses Pengundian Bermula 8 Pagi



KUCHING, 7 Mei (Bernama) -- Kesemua 1,754 pusat pengundian bagi Pilihan Raya Negeri Sarawak ke-11 (PRN-11) dibuka mulai 8 pagi ini.

Pengerusi Suruhanjaya Pilihan Raya (SPR) Datuk Seri Mohd Hashim Abdullah berkata pusat pengundian itu akan ditutup pada 5 petang kecuali beberapa pusat pengundian ditutup lebih awal bermula 9 pagi mengikut lokasi dan jumlah pengundi di sesuatu kawasan.

Pusat pengundian melibatkan sekolah, dewan orang ramai, rumah panjang dan stadium tertutup.



Orang ramai berpusu-pusu untuk menunaikan tanggungjawab mereka mengundi calon pilihan di Pusat Pengundian Sek Keb Agama Miri bagi kerusi DUN N75 Senadin

Sebanyak 1,085,087 pemilih berdaftar layak mengundi bagi memilih wakil rakyat mereka di 80 kawasan Dewan Undangan Negeri (DUN).

Pengundian hari ini tidak melibatkan DUN Bukit Kota dan Bukit Sari yang dimenangi Barisan Nasional (BN) tanpa bertanding oleh penyandang kedua-dua kerusi berkenaan iaitu Dr Abdul Rahman Ismail dan Datuk Amar Awang Tengah Ali Hassan pada hari penamaan calon 25 April lepas.

Terdapat 24,604 pengundi awal terdiri daripada anggota pasukan keselamatan serta pasangan yang melaksanakan tanggungjawab mereka Selasa lepas.

Pilihan raya kali ini diadakan susulan pembubaran DUN Sarawak pada 11 April, dengan menyaksikan tambahan 11 kerusi baharu, menjadikan DUN itu kini mempunyai 82 kerusi.

Jabatan Meteorologi Sarawak meramalkan cuaca mendung dan hujan pada sebelah pagi di beberapa kawasan di Sarawak, termasuk di bahagian Betong, Sarikei, Mukah, Bintulu, Sibul, Kapit, Miri dan Limbang.

Jurucakap jabatan itu berkata pada sebelah petang, ribut petir dan hujan dijangka berlaku di satu dua tempat di semua kawasan, manakala pada waktu malam, hujan dijangka di beberapa tempat di bahagian Bintulu dan Kapit.

-- BERNAMA



1,754 Pusat Mengundi Disediakan Di Seluruh Sarawak Esok

KUCHING, 6 Mei (Bernama) -- Setelah 12 hari mengharungi tempoh kempen dalam suasana tenang bagi Pilihan Raya Negeri ke-11 (PRN-11), rakyat Sarawak akan keluar mengundi di 1,754 pusat mengundi di seluruh negeri, esok.

Suruhanjaya Pilihan Raya (SPR) sudah bersiap sedia mengendalikan pilihan raya itu dalam masa sehari melalui 2,789 saluran mengundi, disediakan di seluruh pelusuk negeri termasuk di kawasan pedalaman, yang terpaksa diakses melalui pengangkutan udara bagi menjimatkan masa.

Kesemua pusat mengundi akan dibuka pada 8 pagi dan ditutup sepenuhnya pada 5 petang, namun ada beberapa pusat mengundi akan ditutup lebih awal bermula 9 pagi mengikut lokasi dan jumlah pengundi, kata SPR.

PRN-11 yang diadakan susulan pembubaran DUN Sarawak pada 11 April lepas, menyaksikan pertambahan 11 kerusi DUN baharu berikutan persempadanan semula kawasan, menjadikan jumlah kerusi bertambah kepada 82 daripada 71, sebelum ini.

Kerusi-kerusi baharu itu ialah Batu Kitang, Stakan, Serembu, Bukit Semuja, Gedong, Kabong, Tellian, Bukit Goram, Murum, Samalaju dan Mulu.

Pada hari penamaan calon 25 April lalu, parti pemerintah BN yang bertanding di kesemua 82 kerusi, mencapai kemenangan awal di dua kerusi DUN - Bukit Kota dan Bukit Sari, apabila calonnya Dr Abdul Rahman Ismail dan Datuk Amar Awang Tengah Ali Hassan, menang tanpa bertanding.

Dalam pengundian esok, BN bertanding di 80 kerusi DUN lagi, PKR 40 kerusi, DAP (31), Amanah (13), PAS (11), STAR (11), PBDS Baru (5), manakala 35 calon Bebas turut bertanding.

Sejumlah 1,138,650 berdaftar sebagai pemilih dalam senarai pemilih yang digunakan pada pilihan raya kali ini oleh SPR.

Mereka terdiri daripada 1,113,522 pengundi biasa, 25,022 pengundi awal yang terdiri daripada tentera, polis dan Pasukan Gerakan Am (PGA) serta pasangan mereka, dan 106 pemilih tidak hadir luar negara.

Pada 3 Mei lepas, 72 peratus daripada 24,604 pengundi awal terdiri daripada anggota pasukan keselamatan serta pasangan masing-masing telah menunaikan tanggungjawab mereka di 79 pusat mengundi seluruh negeri.

Jabatan Meteorologi Sarawak meramalkan cuaca mendung dan hujan di beberapa kawasan di Sarawak, termasuk di bahagian Betong, Sarikei, Mukah, Bintulu, Sibu, Kapit, Miri dan Limbang, pada pagi esok.

Jurucakap jabatan itu memaklumkan pada sebelah petangnya, ribut petir dan hujan dijangka berlaku di satu dua tempat di semua kawasan. manakala pada waktu malam, satu dua tempat di bahagian Bintulu dan Kapit, dijangka hujan.

SPR juga menasihatkan pengundi supaya keluar awal, selain bersiap sedia dengan payung semasa keluar mengundi berikutan keadaan cuaca yang diramal hujan, esok.

Pada PRN 2011, BN memenangi 55 daripada 71 kerusi DUN, manakala DAP menguasai 12 kerusi, PKR (3) dan Bebas (1).

DAP, bagaimanapun hilang satu kerusi apabila ADUN Pujut, Fong Pau Teck dipecat daripada parti berkenaan.

-- BERNAMA



Cuaca Mungkin Lewatkan Keputusan Penuh PRN Sarawak Esok



KUCHING, 6 Mei (Bernama) -- Faktor cuaca dijangka akan melewatkan pengumuman keputusan Pilihan Raya Negeri Sarawak ke-11 (PRN-11) esok, kata Suruhanjaya Pilihan Raya (SPR).

Pengerusinya, Datuk Seri Mohd Hashim Abdullah berkata jangkaan awal keputusan penuh sebelum 11 malam mungkin berubah berikutan keadaan cuaca yang tidak menentu.

Susulan nahas helikopter di Sungai Batang Lupar, Sebuyau, kira-kira 250km dari sini semalam, katanya, SPR menggunakan moto 'biar lambat asalkan selamat' dalam membawa pulang peti undi dari pusat pengundian ke pusat penjumlahan rasmi undi di seluruh negeri itu.

"Harap rakyat faham," katanya kepada media selepas melawat Pusat Semakan Peti Undi Dewan Undangan Negeri (DUN) Batu Lintang di Dewan Masyarakat Kuching, di sini hari ini.

Selain kenderaan, beliau berkata SPR akan menggunakan 38 buah helikopter, 663 perahu dan 64 bot laju.

Katanya khidmat helikopter itu akan digunakan oleh lapan pasukan bergerak dengan setiap pasukan terdiri daripada ketua tempat undi dan tiga kerani pengundian untuk membawa peralatan pengundian dari satu pusat ke pusat pengundian lain.

Katanya, atas faktor jumlah pengundi dan lokasi pengundian, beberapa pusat pengundian berkongsi pasukan bergerak dan peti undi yang sama seperti Rumah TK Barang Lugun dan Sekolah Kebangsaan Bario di DUN Mulu.

Menurut Jabatan Meteorologi Sarawak, cuaca mendung dan hujan diramal berlaku pagi esok di beberapa kawasan di negeri ini, termasuk di bahagian Betong, Sarikei, Mukah, Bintulu, Sibul, Kapit, Miri dan Limbang.

Pada sebelah petang pula, ribut petir dan hujan dijangka berlaku di satu dua tempat di semua kawasan.

-- BERNAMA



CyberSecurity Malaysia Bantu Angkasa Elak Jadi Mangsa Jenayah Siber

KUALA LUMPUR, 6 Mei (Bernama) -- [CyberSecurity Malaysia \(CSM\)](#) akan membantu Angkatan Koperasi Kebangsaan Malaysia Berhad (Angkasa) bagi mengelakkan sektor koperasi daripada menjadi mangsa jenayah siber.

[Ketua Pegawai Eksekutifnya Dr Amirudin Abdul Wahab](#) berkata pihaknya akan bekerjasama dengan Angkasa dengan memberi khidmat kepakaran melibatkan aspek teknikal, pembangunan, latihan dan kesedaran mengenai keselamatan siber.

Beliau berkata, ia merupakan satu langkah penting kerana pada masa kini semua pihak tidak terlepas daripada ancaman seperti penipuan, pencerobohan akaun serta maklumat dan spam melalui dalam talian.

"Justeru itu, CSM akan cuba menggunakan kepakaran serta teknologi untuk membantu melicinkan operasi Angkasa terutama membabitkan transaksi kewangan, bagi mengelakkan mereka ditipu atau menanggung kerugian akibat jenayah siber.

"Kita juga akan memberi penekanan kepada koperasi mengenai penggunaan internet dan teknologi secara berhemah kerana ia merupakan satu faktor penting yang dilihat kurang diamalkan di negara ini," katanya dalam sidang media di sini hari ini.

Terdahulu, Amirudin menyaksikan majlis menandatangani Memorandum Persefahaman (MoU) antara CSM dan Angkasa yang turut dihadiri Presidennya Datuk Abdul Fattah Abdullah.

Selain kerjasama dari segi teknologi dan pendidikan siber, MoU itu juga memberi peluang kepada Angkasa untuk menguji tahap keselamatan sistem undian tanpa kertas yang diamalkan mereka iaitu aplikasi e-Undi, menerusi penilaian oleh CSM.

Mengulas lanjut tentang kes jenayah siber, Amirudin berkata, sehingga April lalu sebanyak 3,189 kes jenayah siber diterima pihaknya dengan 1,505 daripadanya merupakan kes penipuan.

"Ia (penipuan) antara tiga kes tertinggi dilaporkan sejak lima tahun lepas," katanya.

Sementara itu, Abdul Fattah berkata menerusi MoU itu diyakini akan dapat meningkatkan kepakaran teknologi dalam kalangan gerakan koperasi seluruh negara dan merancakkan pembangunan perniagaan dalam talian atau e-Dagang.

"Kerjasama ini juga akan memastikan segala proses transaksi kewangan melibatkan 1.5 juta akaun individu yang berkaitan dengan Angkasa lebih terjamin dalam soal keselamatan dan kesahihan maklumat," katanya.

Fraud tops cybercrimes list

SERDANG: Fraud tops the list for cybercrimes in the country, says CyberSecurity Malaysia chief executive officer Dr Amirudin Abdul Wahab.

Amirudin said that this year alone, 1,505 fraud cases have been recorded by the Malaysia Computer Emergency Response Team (MyCERT) between the months of January and April.

"The highest number of complaints we've received for the last three to five years were on fraud," he said, adding that the fraud cases make up more than half of the 3,189 cyber-crime reports MyCERT received this year.

He added that the fraud cases include phishing and online scams such as love scams and job scams.

He said that the awareness of cybercrimes

was still low among Malaysians, adding that Malaysians need to know how to protect themselves from these newer types of crimes.

He added that the increase in cybercrimes in the country could be attributed to the rise of Internet users in the country every year.

Amirudin was speaking to the media at the signing ceremony of a Memorandum of Understanding (MoU) between CyberSecurity Malaysia and Angkatan Koperasi Kebangsaan Malaysia Berhad (Angkasa) on cybersecurity related matters.

Angkasa president Datuk Abdul Fattah Abdullah said that it was important for the organisation to place importance on cybersecurity as it handles about RM1bil monthly in online transactions for 1.5 million of its members.

RM90,000 for cancer research

Council awards three doctors with grants in conjunction with its 15th anniversary

THE Makna Cancer Research Award marked its 15th year of supporting young cancer researchers in the country by awarding three recipients with close to RM90,000 in grants to fund their research.

The recipients were Dr Nethia Mohana Kumaran (USM), Dr Chua Eng Wee (UKM), who were each awarded RM30,000, and Dr Nor Fazila Che Mat (USM), who received RM29,835.

The award was initiated in 2001 to encourage and recognise the importance of research and development by local scientists in advancing knowledge that is geared towards helping cancer patients and discovering potential cures for the disease.

The selection of the recipients was conducted by a distinguished panel of experts and medical practitioners in the fields of hematology and oncology.

The panel was headed by the Academy of Sciences Malaysia (ASM) Fellow and Universiti Putra Malaysia Faculty of Biotechnology and Biomolecular Science dean Prof Datin Paduka Dr Khatijah Mohd Yusoff.

National Cancer Council (Makna) president Datuk Mohd Farid Ariffin said: "This award has been a part of our research-related endeavours, which include collaborations with universities and research institutes in Malaysia to advance knowledge in the field in the hopes of helping cancer patients throughout the country and finding a potential curative treatment for cancer."

"It is heartening to note that in 2015, the Makna Cancer Research Award received the 51 applications - the highest ever received.

"This is a firm indication that the Makna



The research grant recipients (from second left) Dr Chua, Dr Nethia and Dr Nor Fazila with (from left) Makna general manager Farahida Mohd Farid, Makna executive board member Professor Datin Paduka Dr Aini Ideris and Dr Tajuddin.

Cancer Research Award is looked upon by the research community as a source of support to continue their work.

"It is also indication that work is continuing in this area, which gives us renewed hope. There is no short cut or overnight result in research. It takes a lot of patience, determination, dedication and failure to suc-

ceed.

"As such we are patient and willing to keep encouraging our researchers," said Farid.

Since the award was introduced in 2001, Makna has contributed over RM1.2mil towards funding cancer research by 45 young researchers in Malaysia.

Focusing on research is in line with

Makna's mission to mobilise all resources to provide curative, preventive, research and support services to cancer patients and families, high-risk groups and the general public.

"We are grateful to ASM for their partnership and continued support that ensures that the Makna Cancer Research Award is able to help nurture young scientists in their pursuit of new knowledge and scientific breakthroughs," said Farid.

ASM is made up of eminent scientists in the country. By virtue of being an independent and august science, technology and innovation (STI) body, ASM is often requested to carry out evaluations for prominent Malaysian and international STI awards.

ASM had been working closely with Makna in selecting the recipients for the awards since 2002.

"ASM sees this award as a significant award in motivating young researchers to undertake cancer research and continuously strive on a path of discovering new possibilities to cure cancer.

"In line with ASM's objectives to pursue excellence in the fields of science, engineering and technology for the development of the nation, as well as for the benefit of mankind, ASM always support efforts to nurture young scientists to push scientific boundaries for advancement of knowledge and a better tomorrow for humanity," said ASM president Tan Sri Dr Ahmad Tajuddin Ali.

"We hope that ASM's involvement in awards such as the Makna Cancer Research Award will provide young scientists great value propositions to making significant scientific breakthroughs," Dr Tajuddin added.